



Broj: 03-11-7-550-4 /2022
Datum: 02.06.2022. godine

Na osnovu člana 64. stav 1. tačka b), člana 70. stav 1, 2, 3. i 6. Zakona o javnim nabavkama Bosne i Hercegovine („Sl. glasnik BiH“, broj 39/14), člana 6. Pravilnika o direktnom sporazumu („Sl. glasnik BiH“, broj 90/14), te člana 7. Pravilnika o direktnom sporazumu Agencije za državnu službu Federacije BiH, broj: 01-02-2-33/15 od 02.02.2015. godine i na osnovu člana 34. Pravilnika o unutrašnjoj organizaciji Agencije za državnu službu Federacije Bosne i Hercegovine, broj: 04-02-5-148-5/20 od 06.01.2021. godine, direktor Agencije za državnu službu Federacije BiH, d o n o s i

ODLUKU

o prihvatanju ponude u postupku nabavke namještaja za poslovni prostor Branilaca Sarajeva 15

Član 1.

Prihvata se ponuda ponuđača Gradiz d.o.o. Sarajevo, Aleja Bosne Srebrene 123, broj: 22-0101-000777 od 01.06.2022. godine, za nabavku namještaja za opremanje male sale u poslovnom prostoru u ulici Branilaca Sarajeva, broj 15, za ponuđenu cijenu od 3.449,15 KM bez PDV-a, odnosno, 4.035,50 KM.

Član 2.

Prijedlog Ugovora za javnu nabavku navedene robe dostavit će se na potpis izabranom ponuđaču.

Član 3.

U skladu sa odredbama člana 70. stav 2. i stav 6. Zakona o javnim nabavkama ova odluka će biti dostavljena ponuđaču koji je učestvovao u postupku javne nabavke.

Ova odluka objavit će se na web-stranici Agencije www.adsfbih.gov.ba, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke namještaja, i to stolova i stolica, za potrebe opremanja male sale u poslovnom prostoru u ulici B. Sarajeva 15, u kojoj će uposlenici Agencije, nakon sanacije objekta, i preseljenja u zgradu Energoinvesta, provoditi ispite općeg znanja i konkursne procedure, pokrenut je Odlukom o pokretanju postupka javne nabavke, broj: 03-11-7-550/22 od 28.04.2022. godine. Javna nabavka je pokrenuta putem direktnog sporazuma. Procijenjena vrijednost javne nabavke bez PDV-a je 3.500,00 KM.

Zahtjev za dostavljanje ponuda prosljeđen je na tri adrese, ponuđačima koji se bave proizvodnjom i/ili prodajom namještaja. Ponudu je dostavio jedan ponuđač.

Uposlenici Odjeljenja za zajedničke poslove, zaduženi za provođenje postupka, utvrdili su da je ponuda ponuđača Gradiz d.o.o. Sarajevo za Ugovorni organ cjenovno i kvalitativno prihvatljiva, sa ukupnom cijenom ponude u iznosu od 3.449,15 KM, bez PDV-a.

Kako ponuda ponuđača Gradiz d.o.o. Sarajevo ispunjava sve postavljene uvjete Ugovornog organa, nakon izvršene ukupne ocjene, izabrana je u predmetnom postupku javne nabavke.

Iz navedenih razloga, odlučeno je kao u dispozitivu.

Dostavljeno:

- Ponuđaču
- u spis predmeta
- a/a

DIREKTOR
Refik Begić, magistar uprave